


LONG-TERM DENJA MAP BLONG VOLKENO LONG AMBAE



OL DENJA BLONG VOLKENO

Red Kala Eria blong ol hot stone blong volkeno we oli stap flae mo ol kas:

- Long taem blong wan irapsen ol kas o smoke mo ol hot stone i save kamaot long ol maot blong volkeno, speseli ol Eria we oli stap long Red Kala.

Orenje Kala Eria blong ol bigfala lahars o flo blong sofmat long taem blong irapsen:

- Long taem blong ol bigfala irapsen eni wota we i stap insaet long eria araon long volkeno i save ron aot folem ol crik long ol Eria we i stap long Orenje Kala.

Yelo Kala Eria blong ol denjeres flo:

- Ol ples long Yelo Eria i save kasem bigfala impak blong ol flo we i kamaot long ol bigfala irapsen we i hapan long eria blong volkeno (caldera) long metel blong aelan.
- Ol irapsen oli save mekem ol hot pyroclastik flo blong hot asis o sanbis, stone mo kas). Ol flo ia oli ron go daon ariap long ol hil (kasem andret km long wan haoa).
- Lava flo blong ol stone we oli melt oli hot bigwan be oli no muv ariap olsem ol pyroclastik flo.

Waet Kala Eria blong direksen blong ol trade win we ol Tik asis o sanbis blong volkeno i stap foldaon long hem:

- Long taem blong wan irapsen ol Eria insaet long Waet Kala oli save kasem ol impak, speseli blong ol tik asis o sanbis blong volkeno we oli stap foldaon folem direksen blong ol trade win – Saot Est win.

Lahars o flo blong sofmat folem ol crik we ren i mekem:

- Everi riva speseli olgeta we oli stap long Eria insaet long Waet Kala oli save mekem flo blong sofmat folem ol crik long taem blong hevi ren.

Grei Kala, Eria blong ol maot blong volkeno we i save fom long fiuja:

- Eria long Grei Kala, hemi soem ol ples we i ol smol maot blong volkeno i save fom long fiuja.

WANEM BLONG MEKEM

Ol bigfala irapsen oli save apen long eria blong volkeno (caldera):

Long taem blong wan bigfala irapsen sipos yu stap long eria long red kala:

- Warem wan strong helmet – hemi i save protektem yu, be hemi no plokem ol bigfala stone blong volkeno. Lukluk gud ol stone blong volkeno antap long air - speseli afta long wan explosen.
- Stanap kwaet be sipos yu luk se stone blong volkeno i no muv long lef/raet o foret/bihaen – Hemia i minim se i stap kam stret long yu, so yu mas lukaot long olgeta.
- Ol stone blong volkeno oli muv ariap tumas taem oli kam klosap, nating spos we yu luk olsem se oli muv slo fastaem. Taem bitwin wan explosen mo stone blong volkeno i foldaon long eria raon long maot blong volkeno (creta) everi taem hemi tekem sam seken nomo.
- Warem wan mask blong kas o plokem nose blong yu wetem wan kaliko – hemi save protektem yu long kas blong volkeno.
- Lava flo i save hapen long ol niufala ples we i gat crak long hem – ol flo ia oli save ron quik go daon long ol hil mo folem ol valei.
- Hemi wan denja blong foldaon insaet long creta, moa yu stap klosap long creta moa yu gat janis blong save klis.

Stap longwei long ol crik we oli stap insaet long Eria blong Orenje Kala long taem blong ol bigfala irapsen.

- Afta long wan hevi ren no stap klosap long ol crik sipos yu bin luk ol bigfala hip blong asis blong volkeno long hem.

Asis o sanbis blong volkeno i foldaon:

- Yu mas redi gud from asis blong volkeno long eni irapsen speseli Eria long Waet Kala. Luk "Living with volcanoes" book we hemi aveilebol long <http://www.geohazards.gov.vu>

Yu mas save se Eria insaet long Yelo Kala i save kam denjeres long taem blong bigfala irapsen. Yu mas folem ol advaes we Nasional Disasta Manejment Ofis (NDMO) i stap kivim aot.

Mo yu mas ridim sefti map blong yu:

- Maot blong Manaro voui we i stap long Eria long Red Kala i gat aktiviti oltaem. I gat wan separate sefti map we i soem Tabu Eria blong volkeno we hemi klos oltaem mo ol Denja Eria we oli save klos taem aktiviti blong volkeno i kam bigwan.
- Ridim mo save gud sefti map blong Ambae mo jeckem ol Eria we oli klos insaet long last Alet bulletin blong Ambae Volkeno - click long : <http://www.geohazards.gov.vu>

Disclaimer

Ol eria blong risk blong volkeno oli no definitive.

Map ia hemi droem aktivi blong volkeno we hemi base long ol historikal mo geologikal rikot.

Yumi no save prediktim aktiviti blong volkeno.

2019.03.25

